

SCRIPT OF EVENING GOJRI NEWS BULLETIN 8SEP 1700 HRS

ایونینگ گو جری نیوز بلیٹن مو رخہ 8 ستمبر 2025

یوہ آکا شوانی جموں ہے نصرت چوہدری تے محمد اکرم تیں خبر سُنو۔

HEADLINES

۱. کُلگام مانہہ جاری آپریشن غے دوران 2 دہشت گرد ہلاک تے ایک بھارتی فوجی افسر زخمی ہووے۔
۲. پاکستان تیں داخل ہوا درانداز نانہہ جموں غا آر ایس پورہ سیکٹر مانہہ بین العقوامی سرحد ور گرفتار کیو ہے۔
۳. کٹرا تیں سنگلدان توڑی پہلی مقامی ریل خدمات غو آگاز ہو گیو ہے جس تیں شاہراہ بند رہن غے دوران وی لوکاں نانہہ راحت لئی ہے۔
۴. جموں سرینگر قومی شاہراہ بند ہے جد کہ مُغل سڑک ٹریفک واسطے کھلو ہے تے ڈاکٹر جتندر سنگھ غے مطابق اج شام توڑی ٹریفک بحال ہون گا امکان ہیں۔
۵. اج موسم ابرآلود رہن غے نال ہلکی بارش غی پیشن گوئی ہے تے 13 ستمبر نانہہ نوی بارش غی لہر غی توقع ہے۔

KULGAM ENCOUNTER

اج سویرے جنوبی کشمیر غا کُلگام ضلع مانہہ حفاظتی دستاں تے دہشت بگرداں غے بشکار مقابلو ہوو جس مانہہ دو دہشت گرد ہلاک ہواتے ایک جونئیر کمشنر آفیسر زخمی ہوو ہے پولیس غا ترجمان نے دسیو کہ دہشت گرداں غی موجودگی غا خاص اطلاع ور فوج سی آر پی ایف تے جموں کشمیر پولیس نے کُلگام ضلع غا گوڈر جنگلاتی علاقہ مانہہ مشترکہ محاصرہ تے تلاشی کاروائی شروع کی۔ جد حفاظتی اہلکار مشتبہ مقام ور پُجیا تے چھپیا وا دہشت گرداں نے فائدنگ شروع کردتیں جس ور حفاظتی دستاں نے فوراً جوابی کاروائی کرتا واں فائرنگ شروع کی، تے آپریشن اجیں جاری ہے۔

INTRUDER ARRESTED

گزشتہ رات جموں گا آر ایس پورہ سیکٹر مانہہ بین العقوامی سرحد ور ایک پاکستان درانداز نانہہ گرفتار کیو گیو ہے مہارا جموں غا نامہ نگار نے خبر دتی ہے جے پاکستان صربہ پنجاب غا سرگودھا تیں تعلق رکھن آلا درانداز سراج خان نانہہ بارڈر سیکورٹی فورس غا دستاں نے 9 بج غے 20 منٹ ور گرفتار کرلیو فوج نے اس سلسلہ مانہہ کپض ایک گولی وی چلائی درانداز کولواں کُج پاکستانی کرنسی غا نوٹ وی برآمد ہوا ہیں اس سنگ پوچھ تاچھ چل رہی ہے تاکہ پتو چل سکے جے بھارتی علاقہ مانہہ آن گو مقصد کے تھو باقی تفصیلات غی اجیں اڈیک ہے۔

LOCAL TRAIN

اج سویرے پہلی واری مقامی ریل غی خدمات شری ماتا ویشنو دیوی کٹڑا تے سنگلدان غے بشکار شروع ہوئی یاہ ریل 5 ڈبہ ور مشتمل ہے تے کٹڑا تیں مکمل مسافراں غے نال روانہ ہوئی جہڑی علاقہ مانہہ بہتر رابطہ غی ضرورت نانہہ ظاہر

کرے یاہ خاص خدمات اُس وقت شروع کی گئی جد جموں سرینگر قومی شاہراہ کئی جگہاں ور مٹی کھسکن غ وجہ تیں بند ہے۔ ریاسی رام پن تے اس غا کول کال غا ضلاع غا رہائیشیاں نے اس مقامی ریل خدمات نانہہ ایک اہم سہولت قرار دتو کُج مسافراں نے اپنا سفر غا تجربات سانجہ کرتا واں اس طرح کہیو۔

PROG ANN

علاقائی خبراں آلا شعبہ آکاشوانی جموں غی طرفوں معاشی بدلاؤ گے زیریعہ ترقی کی رفتار نانہہ بدھان ور اک خصوصی گل بات گو پروگرام پیش کیو جے گو۔ یوہ پروگرام سیوا سپتہا 2025 کی تقریب گا سلسلہ مانہہ 10 ستمبر یعنی بدھار آلا تہاڑے دوپہر 12 بج غے 30 منٹاں ور نشر کیو جے غو اس پروگرام مانہہ مہارا مہمان جموں یونیورسٹی گا معاشی یعنی اینامکس گ اشعبہ توں تعلق رکھن آلا پروفیسر دیپنکر سینی گپتا وے گا جد کہ پروگرام کی میزبانی جگموہن شرما تے کنال شریوٹس کریں گا اس ضمن مانہہ اس طرح غی مزید نشریات واسطے میڈیم ویو 303 میٹر یعنی 990 کلو ہٹز تے ایف ایم 100 عشریہ 3 ور آکاشوانی جموں سنگ جڑیا ریں۔

NHW CLOSED

کلو میٹر لمی جموں سرینگر قومی شاہراہ اج لگاتار ساتویں تہاڑے وی کئی جگہ 270 تیں بحالی غا کام کاج چلن کی وجہ سنگ گڈی لاریاں کی آؤ جائی واسطے بدستور بند ہے آکاشوانی جموں غا نامہ نگار نے خبر توری ہے جے سڑک کی بحالی گو کم تیزی سنگ چل رہی وے جکھینی تے بالی نال غے درمیان سڑک بند ہون کی وجہ سنگ ادھمپور غا جکھینی تیں سرینگر در تے اس غے کقل کال سڑک گڈی لاریاں غی آؤ جائی واسطے بند ہے۔ اس تیں علاوہ خط جموں غا راجوری تے پونچھ نانہ وادی کشمیر غا ضلع شوپیاں سنگ جوڑن آلی تاریخی مغل سڑک ور ٹریفک آسانی سنگ چل رہی ہے۔ اس سلسلہ مانہہ مرکزی وزیر ڈاکٹر جتندر سنگھ نے کہی وکہ بھارتیہ قومی سڑک حکام غی ٹیم جموں سرینگر قومی شاہراہ ور تھرڈ تے ادھمپور ضلع مانہہ بالی نالہ کی رکاوتاں نانہہ دور کرن واسطے 24 گھنٹہ کم کر رہی ہے۔

SMVD

ضلع ریاس مانہہ ترکوٹہ پہاڑی ور واقع شری ماتا ویشنو دیوی پوتر عبادت گاہ کی یاترا اج لگاتار 15 ویں تہاڑے وی خراب موسمی حالات تے کئی جگہاں ور مٹی کھسکن سنگ بند رہی ہے آکاشوانی جموں گا نامہ نگار نے خبر دتی ہے کہ حکام نے حفاظتی خدشات کو حوالو دتو ہے کیونجے لگاتار بارش نے علاقہ مانہہ تباہی مٹائی وی ہے تے پوتر عبادت گاہ ور جان واسطے پٹری وی بند کردتی ہے کیونجے یاترا یاں کی آؤ جائی غیر محفوظ ہو گئی ہے اس طرح ملہ نانہہ بٹان تے رستہ کی حفاظت نانہہ یقینی بنان واسطے پٹری کی بحالی گو کام ترجیحی بنیاد ور کیو جارہیو ہے یاترا نانہہ تاں ہی دوبارہ چلايو جے غو جد موسمی حالات جنگاویں غا تے پٹری نانہہ چلن واسطے محفوظ قرار دتو جائے گو۔

GST REFORMS HAILED

جموں کشمیر غا مختلف علاقن غا رہائیشاں تے تاجراں نے حکومت غی جانب تیں حال ہی مانہہ کیا گیا جی ایس ٹی غی شرحاں مانہہ کمی غو خیر مقدم کیو مقامی لوکاں نے اُمید ظاہر کی کہ یوہ فیصلو چھوٹا کاروبار دکانداراں تے سارفین واسطے بہت فائدے مند ثابت وے غو تاجراں غے مطابق نوی کم شدہ ٹیکس غی شرحا ضروری اشیاء تے خدمات غی قیمتاں نابہ کھٹ کرے غی جس تیں عام آدمی واسطے یاہ سستی ہو جیں غی کاروباری نمائنداں نے کہیو کہ کم کی گئی جی ایس ٹی شرحا خطہ مانہہ معشیت نانہہ بہتر کرن مانہہ مدد دیں غی خاص طور ور جد حالیہ مہینہ مانہہ خراب موسم غی وجہ تیں حالات دشوار ہوا تھا۔ اُنہاں نے مزید اس طرح کہیو۔

WEATHER

مقامی محکمہ موسمیات نے اج موسم کی تفصیلی پیشن گوئی کی ہے جس مانہہ کئی مقامات ور ہلکی بارش تے گرج چمک گے سنگ آبر آلود رہن کی پیشن گوئی کی ہے آکاشوانی جموں گا نامہ نگار نے خبر دتی ہے جے خطہ جموں غا کُجھ ضلاع مانہہ ہلکی بارش وی ہوسکے جد کہ 9 تیں 12 ستمبر توڑی مرکزی زیر انتظام علاقہ جموں کشمیر مانہہ موسم عام طور ور گرم رہن غی توقع ہے اس تیں علاوہ بعض مقامات ور ہلکی بارش ہون گو وی امکان ہے یاد رہ جے 13 ستمبر نانہہ گرج چمک گے نال ہلکی تے درمیانہ بارش سنگ جموں کشمیر غا کئی حصاں نانہہ متاثر کرن گو وی امکان ہے۔ محکمہ موسمیاتی نے خطرناک مقامات ور پسی تے پتھراؤ غا امکان بارے وی خبر دار کیو ہے۔

PTC ANN

علاقائی خبراں آلا شعبہ آکاشوانی جموں غی طرفوں ضلع جموں واسطے عارضی نامہ نگاراں یعنی پی ٹی سی واسطے درخواست منگی گئی ہیں۔ مجوزہ پرفارمہ ور عارضی نامہ نگار غی پوسٹ مانہہ دلچسپی رکھن آلا ایسا اُمیدوار درخواست دے سکیں گا جہیڑا ضلع جموں گا بسنیک ویں تے اُن غی عمر 24 براں تیں 50 براں غے بشکار وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا صحافت غا شعبہ مانہہ ڈگری یافر تسلیم شدہ یونیورسٹی تیں گرجویشن غے ہمراہ 2 براں غو صحافت مانہہ تجربو مقرر کیو گیو ہے۔ اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات تے میڈیا کوریج مانہہ تجربو وی ضروری ہے۔ عارضی نامہ نگار غی پوسٹ مانہہ دلچسپی رکھن آلا اُمیدوار واسطے لازمی ہے جے ضلع صدر دفتر جموں یا اس تیں 10 کلو میٹر غادائرہ غے اندر رہائش پزیر وے اس سلسلہ مانہہ درخواست غی ہارڈ کاپی ضروری دستاویزات غے ہمراہ ہیڈ ریجنل نیوز یونٹ آکاشوانی پنچترتھی جموں مانہہ بڑات خود آئیندہ 14 ستمبر 2025 توڑی دے سکیں۔ اس بارے مزید جانکاری ویب سائٹ

ور دستیاب ہے۔ www.newsonair.gov.in
